

**ZAPISNIK SA 40. SJEDNICE UO SAMOSTALNOG SINDIKATA RADNIKA U BHRT-u,
KOJA JE ODRŽANA U UTORAK 27.03.2018. GODINE**

Prisutni: D. Smital; E. Čengić; Dž. Kahrica; N. Žuga; G. Brkić; O. Bukić; D. Miljević; B.Hamzagić; M. Grbo; M. Baručija; E. Fočo; N. Hodžić; N. Čordalija; S.Topalić

Odsutni: N. Arnautović. M. K. Pašalić; - **opravdano**

Gosti: A.Dzidić povjerenik ITC; M.Herac povjerenik UGD

Dnevni red:

1. Zapisnici sa 39. redovne, 12 vanredne i 13 vanredne sjednice
2. Aktuelna situacija u BHRT-u
 - Kodeks ponašanja (E. Čengić)
3. Skupština
4. Odluka o mirovanju članstva
5. Finansije (D. Karšić)
 - Odluka 8. mart
6. Izvještaj i specifikacija BSO za februar 2018 (N. Žuga)
7. Dodjela pomoći (N. Žuga, G. Brkić, M. Grbo)
8. Razno
 - Obilježavanje dana BHRT-a
 - Penzija Ć.Tabak / N.Žuga
 - Plaćanje prazničnih sati / N. Čordalija

AD 1. D.Smital je u 12.37 sati na osnovu člana 35. Statuta Samostalnog sindikata radnika u BHRT-u, otvorio 40. sjednicu UO SSR u BHRT-u i predložio dnevni red uz izmjene koje su predložili Nijaz Žuga i Nijaz Čordalija. Dnevni red je jednoglasno usvojen.

Zapisnici sa 39. redovne, 12 i 13 vanredne sjednice su također jednoglasno usvojeni.

AD 2. D.Smital je izvjestio UO da je rukovodstvo sindikata imalo dva sastanka sa menadžmentom BHRT-a. Na sastanku održanom 09.03.2018.godine postavljeno je pitanje o trenutnoj finansijskoj situaciji u BHRT-u, zaostalim doprinosima i porezima. Dobili smo informaciju od menadžmenta da je naplata RTV takse stabilna i da je RTVFBiH, prvi put ovog mjeseca, nakon dužeg niza godina, uplatila čitav iznos za usluge koje BHRT vrši za RTVFBiH. Također je rečeno da se dio tog iznosa uplaćuje UIO BiH za reprogram duga za PDV. Kada su u pitanju zaostali doprinosi i porezi rečeno nam je da se za zdravstveno osiguranje redovno mjesečno uplaćuje određeni iznos kako bi se radnici mogli liječiti. Zaostatke za doprinose i poreze menadžment planira rješavati nakon što se otplati kredit za digitalizaciju, jer sada rješavaju dugove sa dobavljačima (UEFA, EP BiH, Sarajevogas, itd), kao i da su jedan dio sredstava uložili za program (ZOI, dokumentarci, serije). Također planiraju zajedno sa RTVFBiH, početi pregovore sa EP BiH o produženju ugovora o naplati takse. Neto platu za mjesec februar menadžment planira uplatiti u toku slijedeće sedmice do 16.03.2018.

Kada je u pitanju nabavka reportažnih kola, rečeno nam je da su poslali svu potrebnu dokumentaciju Ministarstvu prometa i komunikacija, a koje je Ministarstvo tražilo nakon sastanka predstavnika sindikata sa ministrom i njegovim savjetnicima.

Također, pitali smo dokle se došlo sa sistematizacijom i reorganizacijom i dobili smo odgovor da se ove sedmice nastavlja priprema sistematizacije i reorganizacije, jer su u prethodnom periodu bili zauzeti pripremanjem godišnjeg finansijskog izvještaja, sjednica UO BHRT-a i sjednica Odbora sistema.

Na sastanku održanom 27.03.2018.godine dobili smo informaciju da je Poreska uprava Federacije tražila da se počnu izmirivati dugovi i da se sada traži na koji način će se početi izmirivati ti dugovi. Sindikat je tražio informaciju kada se napravi sporazum sa Poreskom upravom o izmirenju tih dugova. Prvi draft prijedlog sistematizacije menadžment će iznijeti na jednom od narednih UO BHRT-a. Plaćanje takse je stabilno. Sindikat je dobio informaciju da će BHRT dobiti donaciju u opremi od Švicarske TV, koju je inicirao SSR u BHRT-u

E.Čengić je obrazložio prijedlog dopisa sindikata prema menadžmentu a zbog javnih istupa pojedinaca putem društvenih mreža koji su podržavanjem ili minimiziranjem ratnih zločina, veličanjem ratnih

zločinaca kao i negiranjem ustavnih presuda uznemirili javnost ili širili govor mržnje što je suprotno odredbama Vijeće RAK-a od 17.12. 2015 i Javnih RTV servisa.

A.Džidić je istakao da su kolege koje su objavile posljednje saopštenje sindikata imale strahovite pritiske pojedinih uposlenika a prije svega direktorice BH Radija i samim tim uticala na uređivačku politiku. A.Džidić je predložio da se u ovaj dopis doda i odnos rukovodioca prema uposleniku odnosno da se zaštite prava uposlenika koji rade svoj posao. D.Smital je dodao da se u ovom prijedlogu doda da bi se trebalo voditi računa i o izboru odgovornih ljudi i urednika u BHRT-u. Ovaj prijedlog je jednoglasno usvojen uz napomenu da rukovodstvo sindikata zajedno sa A. Džidićem sastavi i dostavi dopis svim članovima UO sindikata.

AD 3. D.Smital je informisao UO sindikata da je 26.03.2018.godine dostavljen izvještaj Nadzornog odbora i time je kompletiran sav material za skupštinu i isti je podjeljen po podružnicama da se podjeli delegatima. Dž.Kahrica kao predsjednik organizacionog odbora skupštine izvjestio je da su poslani dopisi generalnom direktoru B.Karamehmedoviću, J.Feroviću u vezi studija MP u kojem će se održati skupština, A.Lihiću u vezi stolica, E.Jelaškoviću u vezi razglasa i snimanja, A.Čustoviću za odobrenje 2 čovjeka za obezbjeđenje skupštine. Na sve dopise sindikat je dobio potvrđne odgovore istakao je Dž.Kahrica.

A.Džidić je predložio da se pozove generalni direktor kako bi se obratio skupštini u vezi trenutne situacije u BHRT-u. Dogovoreno je da se provjeri sa generalnim direktorom da li će biti u Sarajevu u vrijeme održavanja skupštine.

AD 4. D.Smital je informisao prisutne da je sindikat od menadžmenta dobio dopis u kojem je navedeno ko su ljudi ovlašteni u pregovorima sa sindikatom. Sa tog spiska članovi sindikata su B.Karamehmedović, Dž.Jusufbegović i E.Heto. Zbog toga je rukovodstvo sindikata pripremlilo odluku o mirovanju članstva za članove menadžmenta koji učestvuju u direktnom pregovaranju sa sindikatom. Ova odluka je jednoglasno usvojena.

AD 5. Blagajnički izvještaj D.Karšić za mjesec januar 2018. godine je primljen k znanju. N.Žuga je izvjestio UO Sindikata da je za obilježavanje 8.marta potrošeno 4738,00 KM sa popustom koji smo dobili od DM-a uz napomenu da su ostale 3 kartice u ukupnom iznosu od 90 KM koje se prebacuju za poklon bon prvom članu sindikata koji dobije dijete. Ova odluka o ukupnom utrošku sredstava za obilježavanje 8.marta je jednoglasno usvojena.

AD 6. Izvještaj i specifikacija BSO za februar 2018 je primljen k znanju. N.Žuga je informisao da je ponovno aktivan BSO u Zenici te je predložio da se do iduće sjednice UO pripremi novi ugovor sa BSO obzirom da ističe 05.05.2018.godine

AD 7. Komisija za dodjelu finansijske pomoći (N.Žuga, G.Brkić, M.Grbo) predložila je da novčanu pomoć dobiju Ismet Pavlović 200 KM (I dio), Adisa Dedić 200 KM (II dio), Uzeir Duraković 100 KM, Edin Huremović 200KM. Ukupno 700KM. Prijedlog odluke komisije za dodjelu finansijske pomoći jednoglasno je usvojen za mjesec februar 2018.godine.

AD 6. D.Smital je predložio da se na Dan RTV-a 10.aprila položi cvijeće na spomen ploču ubijenim radnicima na ulazu u RTV Dom. Ovaj prijedlog je jednoglasno usvojen i zaduženi su Nijaz Žuga i Edis Fočo za njegovu realizaciju. Ukoliko se steknu vremenski uslovi dogovoreno je da se pokuša dostaviti cvijeće na Vlašić kako bi dežurna ekipa PEP-a postavila cvijeće ubijenom radniku BHRT-a.

-N.Žuga je istakao problem penzionisanja radnika Tabak Čamila i dogovoreno je da N.Žuga obavi konsultacije sa pravnim zastupnikom sindikata E.Plećanom u vezi ovog slučaja.

-N.Čordalija je postavio pitanje isplate prazničnih sati i istakao da je neprihvatljivo da se ne plaćaju ljudi koji za državni ili vjerski praznik ne dobiju naknadu za urađeni posao. Nakon rasprave, dogovoreno je da N. Čordalija obavi razgovore sa svim kolegama koji učestvuju u obračunu plate (rukovodioc i finansije). A ukoliko ne bude zadovoljan odgovorima, da informaciju dostavi Upravnom odboru kako bi Upravni odbor ovo pitanje postavio menadžmentu.

Sjednica je završena u 13:34. sati

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital